

Doux cent vingt-cintye ans aiprés lai moûe de Pierra Péquignat, le 30 octôbre 1965:

El ât prou malafjie en in hanne que n'é t'aivu dains lés târpes que dés yéjures d'écôle de cognâtre l'hichtoère de Pierra Péquignat. Poquoi? Po lai s'impye à boinne réjon que dains cés yéjures-li, qés d'mon temps d'afaint, é bîn an on rébiè de nés en pailaie. Bîn chur è vavait bîn meu nés aippâre lai baitaiye de Morgarten, li â moins lo saing é coulé daidroit. S'i sais in pô âtye de lai vie de note Pierra, ç'ât d'aivoi ôyu nés véyes dgens en djâsaie lo soi en lai lôvrès. E m'sanne qu'i lés ôs enco raicontaie, ès lés saivînt chi bîn lés bèlles hichtoières de tchie nos. Es lés dyînt chi bîn qu'ès sont d'morbes dains mai maiyeutche po n'en pus poyait r'paitchi. Co que m'fait brâment piajji, ç'ât que Pierra Péquignat se signait tot boinnement nian pe Pierre Péquignat, mains Pierra Péquignat. An dit que ç'était lo roi dés commis d'Aidjoûe! Po moi, èl était brâment pus qu'in roi, ç'était in mârtyr. Se aivô in tchèns, an n'on djemais poyu faire in peuplie, aivô lu an n'on djemais poyu ran faire d'âtre qu'in aidjôlat, in jurassien. El ât aivu condamnè è être étrôssè écâtchelè sains aivoi fait è coulaie einne mâlhèyrouse petéte gotte de saing. Mains èl é tot bèyie l'sîn, è peus craibîn qu'èl é bèyie d'bon tiûere, poche que tot hanne qu'ainme son paiyis ne dait pe aivoi pavou d'lo bèyie s'è fât. Bèyis son saing sains s'être vouêdgeayie aivô çtu dés âtres, voilli poquoi i n'af pe pavou de sôt'ni que note Pierra était in mârtyr... Po moi ç'était in tot braive hanne qu'é épreuvé bîn dés amèes, de chiquaie, de raiyûe lés désaicoûes que n'aivînt râttè de crêtre entre nés bons paiyissains d'Aidjoûe è peus Sigismond de Reinach, que n'était boussè que pai l'ordyeu.. Vôs saites chi bîn qu'moi que l'ordyeu manne chus tos lés tch'mêns, sif ch'lo bon, poche que l'ordyeu aiveuye tos cés qu'aint ci grôs défât... Dés creves-tiûeres, note Pierra en é t'aivu churement pus qu'è son sô lo pouere hanne. An r'vegnaint dâs Berne voû èl était allè po éprouvaie de faire è compâre lo mâ que reûjeyait son Aidjoûe, è pairât qu'è s'était dje fait è airrâtaie è Bellelay. An y foton lés tchainnes po l'aimannaie è Porreintru. Churement que tot en tchemenaint, ci grôs tiûere d'Aidjôlat se musait qu'en travachaint son bé v'laidge de Cordègenay, que sés aimis veulfnt être li po â moins y tendre lai main!?. Mains niun, niun se ç'n'était dés soudaifs françois que f'sint è grulaie lés dgens. Que çoli daivait être du po lu de se sentre albaindenè dînche tot d'in còp. El ât vraf que dains dînche dés péssaidges, lés aimis se n'môtrant pe, ès s'éraifréchant putôt!! Coli daivait être enco bîn pus dû lai voiyè de lai Tôssaint en airrivaint aivô Lion è peus Riat devaint lai mâjon d'velle de Porreintru, qu'était vadgè pai dés soudaifs étraindgies... Bèyie son saing po son paiyis, devaint lés eûyes de sés aimis que n'aint ran dit, qué creve-tiûere més aimis!! Po bîn môtnaie yote fouêche, è peus yote saivoi vivre, lés occupaints cés rigats n'aivînt ran trovè d'meu que d'allaie pendre lés membres de Pierra è peus de sés dous aimis en dés pôtés. E pairât qu'aiprés çoli çte rotte de bregands poyînt r'dreumi chus yôs doûes arayes!! Sigismond aivait diaingnie, mains sains préfèts, poche que lu dje en ci temps li aivait rébiè, qu'è n'sie d'ran de lairnaie de vadgaie in paiyis aivô lai fouêche dés airmes s'en n'serait diaingnie lo tiûere dés dgens que vétiant dains ci paiyis. Voilli è pò prés tot ço qu'i sais de Pierra Péquignat. Mains ço qu'i vôs r'commainde de tot mon tiûere, é bîn ç'ât qu'lo djo d'lai Tôssaint en allaint prayie ch'lés fôsses de vôs moûes, musès in potchignat en ç't'hanne

que n'os é léchie l'imaige de lai fraintchiye di corafidje de lai v'lantè chutôt. N'os y dains b'n eime petéte musatte ci djo li non pétes? Se q''était aivu in béche-coûene comme an en voit brâment édjed'heû é b'n è y'é bèle écoûene en vélat qu'an en pailleraït pus. Mains lu n'é pe aivu pavou, ran ne l'é fait è tchaindgie d'aivisaive, èl st aivu décapité ran que po aivoi airmè son Aidjoûe, note Aidjoûe, son Jura note Jura, que n'os vlans tot pai fouche vadgeafe... E n'ât Dûs moiyn qu'à siecle que n'os vétians, lo siecle de lai décolonisation qu'an s'dait b'n povait chiquaie en djâsaint. I échpère qu'è y veut b'n v'ni in djo que lés teûnés, lés ordyous, lés coûerètes aivè lésquels an n'serait djâsaie sa ~~sala~~ vlant faire è bortiulaie po être rempiaïçi pai dés hames qu'aint di s'né è peus d'lai compregnoûere... Po l'b'n de note Aidjoûe de note Jura tot entie, que vétieuche en nos lo seûveni de Pierra Péquignat!

S'v'os v'lèz saivoi c'ment qu'an manait, (bis)

Le païsaïn de Cordgenay, (bis)

Et b'n botèz vos tus è boire,

I v'os raicontzaï son hichtoûere.

Voilli c'ment qu'è n'os fât faire tus, (bis)

Potre és tyrans lai pâle à tiu, (bis)

Tlaind q'ât qu'n'os airains lai victoûere,

C'ment Petignat n'os porains boire

Donné par
qui ?
Pas Christiane
Lapaine
